



Inatsisartuni ilaasortaq Malik Berthelsen  
Siumut

## **Pineqartooq: Ineqarneq – ineqarnermut akiligassat akilinngitsuukkat**

Asasara Malik,

Namminersorlutik Oqartussani ineqarnermut akiligassat akilinngitsuukkat pillugit apeqqutinnut ilassutaasunut qujanaq. Siullermik apeqqutitit issuarneqarput, akissuteqaatinnik malitseqartinneqarlutik.

**Inissiani Pisortat pigisaanni ineqarnerminnut akiliineq ajortut akiliutissaralui Pisortanit isertitassatut annaaneqartut, immikkoortortami najugaqataannut (boligafdeling) akiligassanngortinneqartarneri Naalakkersuisunit pissusissamisoortutut isigineqarpa?**

AKISSUT: Aap, tamatumanilu inatsisit attartornermilu oqimaaqatigiissitsineq malilluinnarneqarput.

**Ineqarnerminnut akiliinngitsoortartunit isertitassatut annaaneqartut najugaqarfimmi immikkoortortamut (boligafdeling) ingerlateqqinneqartarneri, najugaqartunut ataasiakkaanut ukiumut ineqarnermut akiliutaannut qanoq aningaasartuutaatiginerusarpat/akitsorsaataasarpat?**

AKISSUT: Attartortunut ataasiakkaanut, agguaqatigiissillugu ukiumut kvadratmeterimut 11 koruunit missaannik akiliisinneqartartunut immikkoortitsivigineqartartunullu kisitsisit eqqortut oqaatigissallugit ajornakusoortippara. Inissiamut 85 kvadratmeterinik annertussuseqartumut qaammammut 78 koruuniupput. Namminersorlutik Oqartussat inissiaataanni attartortittakkani attartortut akiitsui akilinngitsuukkat naammassiniarlugit 31. marts 2012-imi 44,7 mio. koruunit akilersinneqarsimapput immikkoortinneqarsimallutillu.

**Aningaasat akiliinngitsoortartunit annaaneqartut najugaqartunut allanut ingerlateqqinneqartarunnaarpata piginnittunut qanoq kinguneqassava?**

AKISSUT: Tamatuma kingunerisaanik pisortat najugaqarfimmi isertitassatut annaasat matussuserniarlugit allatut iliuuseqartariaqarput, soorlu akileraarutit akitsuutillu aqutugalugit.

**Iluatsillugu nassuiaqqara akiliineq ajortut akiliutissaralui najugaqarfimmi immikkoortortami najugaqartunut allanut akiligassanngortinneqartassanersut sumi allassimanersoq?**

AKISSUT: Isertitat aningaasartuutillu oqimaaqatigiissinneqarnissaat tunngavigineqarpoq, aammalu Inatsisartut peqqussutaanni nr. 2-mi, 12. maj 2005-imeersumi § 28-mi allassimavoq, "Namminersornerullutik Oqartussat kommunillu ilaqtariinnut arlalinnut illuutaanni najugaqatigiiffimmi inissianik attartortitsinermit isertitat

6. juli 2012

Sags nr. 2012-068226

Dok. Nr. 952060

Postboks 909

3900 Nuuk

Tlf. (+299) 34 50 00

Fax (+299) 34 54 10

E-mail: [iaan@nanoq.gl](mailto:iaan@nanoq.gl)

[www.nanoq.gl](http://www.nanoq.gl)

*tamakkiisut sukkuunniit annertussilerneqarnerini, najugaqatigiiffiup  
aningaasartuutiniq tamanik akiliisinnanissaa periarfissinneqassaaq,.....”*

Inussiarnersumik inuulluaqqusillunga

Jens B. Frederiksen